

CUMÜN DA VASCHINS DA SCUOL



Ledscha da vaschinadi

REGISTER

	Artichel
Intent da la ledscha	1
Persunas cun naziunalità svizra	2
Persunas cun naziunalità estra	3
Cumpetenzas	4
Taxas	5
Cas specials	6
Pussibilità da recuorrer	7

Per persunas, funcziuns e mansters vain dovrada per princip la fuorma masculina. Ella as referischa adüna a tuots duos geners.

Art. 1 Intent da la ledscha

- 1 Quista ledscha regla las premissas per l'acquist dal vaschinadi tenor la ledscha chantunala dal dret vaschinal.

Art. 2 Persunas cun naziunalità svizra

- 1 A persunas cun naziunalità svizra po gnir concess il dret da vaschinadi schi sun domiciliadas d'ürant almain 5 ons a Scuol, ils ultims 2 ons da quels directamaing avant co inoltrar la dumonda.

Ulteriuras premissas:

- a) Ellas nun das-chan avair ingün'annotaziun aint il extrat privat dal register penal.
- b) Ellas ston accumplir lur obligaziuns finanzialas.
- c) Ellas nu das-chan retrar ingün sustegn social ed avair pajà inavo il sustegn retrat d'ürant ils ultims 10 ons.

Art. 3 Persunas cun naziunalità estra

- 1 A persunas cun naziunalità estra po gnir concess il dret da vaschinadi schi sun domiciliadas d'ürant almain 5 ons a Scuol, ils ultims 2 ons da quels directamaing avant co inoltrar la dumonda. Ellas ston accumplir plünavant las ulteriuras premissas per surgnir il dret da vaschinadi tenor la legislaziun correspudenta da la Confederaziun e dal Chantun.

Art. 4 Cumpetenzas

- 1 La cumischiun da vaschinadi examinescha las pretaisas fuormalas e sclerischa quai chi'd es necessari. Ella invida la persuna ad üna discussiun da qualificaziun ingio chi dess gnir examinada specialmaing co ch'ella es integrada e co ch'ella as santa da chasa a Scuol (tenor ils artichels 5 e 6 da la ledscha chantunala da vaschins BR 130.100).

- 2 La cumischiun da vaschinadi fa ün rapport e fa propostas al cussagl da vaschins a regard mincha dumonda da vaschinadi.
- 3 Il cussagl da vaschins es autorisà da decider davart las dumondas da vaschinadi. El comunichescha sias decisiuns als petents in scrit.
- 4 Scha'l petent vess d'avair obtgnü il dret da vaschinadi tras indicaziuns invardaivlas o zoppantand fats decisivs, rapporta il cussagl quai al Chantun fin il plü tard 8 ons davo chi d'eira gnü dat il dret da vaschinadi.

Art. 5 Taxas

- 1 Per decisiuns illa procedura da dar il vaschinadi vegn inchaschada üna taxa chi'd ha da cuernar ils cuosts. Il reglamaint correspondent vain relaschè dal cussagl da vaschins.
- 2 La taxa pauschala per personas svizras po esser differenta da la taxa pauschala per personas da l'ester. La taxa pauschala per cas da natüralisaziuns privelegiadas, po gnir fixada plü bassa. Las pauschalas dessan gnir adattadas periodicamaing als cuosts effectivs.
- 3 Il cussagl po redüer las taxas per uffants minorens chi nu vegnan tuts sü al listess mumaint sco lur genituors, per personas chi sun in scolaziun sco eir in cas dad acziuns specialas.

Art. 6 Cas specials

- 1 In cas motivats po la radunanza da vaschins conceder il vaschinadi d'onur o regalar il vaschinadi.

Art. 7 Pussibilità da recuorrer

- 1 Il cussagl da vaschins sto motivar decisiuns negativas a regard conceder il vaschinadi.
- 2 Ils petents pon far recuors cunter decisiuns negativas pro'l tribunal administrativ dal Grischun.


Decis uschè da la radunanza da vaschins dals 23 d'avrigl 2015.

IL CAPO:



Jon Fadri Tönett

L'ACTUAR:



Anton à Porta


La radunanza da vaschins ha decis als 23 avrigl 2018 üna revisiun parziala.

IL CAPO:



Jon Fadri Tönett

L'ACTUAR:



Anton à Porta